



Na osnovu člana 2.12. stav (6) Izbornog zakona Bosne i Hercegovine („Službeni glasnik BiH“, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 7/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22), Uputstva o utvrđivanju kvalifikacija, broju, imenovanju, obuci i razriješenju članova izborne komisije osnovne izborne jedinice u Bosni i Hercegovini („Službeni glasnik BiH“, br. 1/22 – Prečišćeni tekst, 13/22 i 78/23) – (u daljem tekstu: Uputstvo), člana 19. Statuta Općine Novo Sarajevo („Službene novine Kantona Sarajevo“, br. 5/20 - Prečišćeni tekst i 20/20 - Ispravka), i člana 46. Poslovnika Općinskog vijeća Novo Sarajevo ("Službene novine Kantona Sarajevo", br. 24/19- Novi prečišćeni tekst, 20/20, 41/21, 45/22 i 47/23), Odluke o objavljivanju javnog oglasa za imenovanje jednog (1) člana Općinske izborne komisije Novo Sarajevo, Općinsko vijeće Novo Sarajevo, objavljuje

JAVNI OGLAS za imenovanje 1 (jednog) člana Općinske izborne komisije Novo Sarajevo

I

Raspisuje se Javni oglas za imenovanje jednog (1) člana Općinske izborne komisije Novo Sarajevo.

Članove Općinske izborne komisije Novo Sarajevo (u daljem tekstu: OIK) imenuje Općinsko vijeće Novo Sarajevo, uz saglasnost Centralne izborne komisije Bosne i Hercegovine.

Mandat članova izborne komisije traje 7 (sedam) godina i teče od dana davanja saglasnosti Centralne izborne komisije Bosne i Hercegovine na odluku, Općinskog vijeća Novo Sarajevo, o imenovanju članova OIK.

U skladu sa Izbornim zakonom i Uputstvom, kandidat za člana OIK, mora ispunjavati opće i posebne uslove.

II

Opći uslovi:

- da je osoba sa pravom glasa;
- da je osoba sa odgovarajućom stručnom spremom i iskustvom u provođenju izbora.

Posebni uslovi:

- da ima prebivalište u općini Novo Sarajevo;
- da ima završen fakultet VII/1 stepen stručne spreme ili završen fakultet Bolonjskog sistema studiranja sa najmanje 180 ECTS;
- da ima iskustvo u provođenju izbora.

Pod iskustvom u provođenju izbora, podrazumijeva se:

- članstvo u izbornoj komisiji;
- članstvo u biračkom odboru na izborima za organe vlasti u BiH.

Nosioci pravosudnih funkcija izuzimaju se od obaveze dostavljanja dokaza o posjedovanju izbornog iskustva.

U skladu sa odredbom člana 4. stav (1) Uputstva, član izborne komisije može biti predsjednik ili sudija redovnog suda, sekretar općinskog vijeća, odnosno skupštine općine i skupštine grada, odnosno gradskog vijeća, lica profesionalno zaposlena u općinskim organima uprave i druga lica, ako ispunjavaju uslove određene članom 2.2 stav (1) i (2) Izbornog zakona BiH, a nemaju smetnji iz člana 2.3 Izbornog zakona BiH.

U skladu s odredbom člana 4. stav (2) Uputstva, za člana izborne komisije ne može biti imenovano lice obuhvaćeno članom 2.3 Izbornog zakona BiH, kao ni lice koje obavlja izvršnu funkciju, kako je utvrđeno odredbom člana 1.8 stav (6) Izbornog zakona BiH, niti lice koje je aktuelni kandidat ili je bio kandidat za bilo koji nivo vlasti na posljednjim općim i/ili posljednjim lokalnim izborima.

III

U skladu s odredbom člana 2.14 Izbornog zakona, sastav OIK je multietničan, tako da odražava zastupljenost konstitutivnih naroda, uključujući i ostale, u izbornoj jedinici za koju se tijelo nadležno za provedbu izbora osniva, vodeći računa o posljednjem popisu stanovništva provedenom na državnom nivou. U sastavu OIK nastojat će se osigurati zastupljenost spolova u skladu s Zakonom o ravnopravnosti spolova u Bosni i Hercegovini.

IV

U skladu s odredbom člana 2.3 Izbornog zakona, za člana OIK ne može biti imenovana osoba:

1. koja se ne može kandidovati u smislu odredbi člana 1.6, 1.7 i 1.7a Izbornog zakona;
2. koja je član najvišeg izvršno-političkog tijela političke stranke ili koalicije (predsjednik, potpredsjednik, glavni sekretar, sekretar ili član izvršnog odbora ili glavnog odbora);
3. koja je nosilac izabranog mandata ili je član izvršnog tijela vlasti, osim u slučajevima predviđenim članom 2.12 stav (4) Izbornog zakona;
4. koja je kandidat za izbore za bilo koji nivo vlasti i
5. kojoj je izrečena kazna za radnju koja predstavlja težu povredu izbornih zakona ili propisa za koju je osobno odgovorna, u posljednje četiri godine, računajući od dana pravomoćnosti odluke.

V

U skladu s odredbom člana 2.12 stav (7) Izbornog zakona, član OIK ne može biti zastupnik, odnosno punomoćnik političkog subjekta, koji učestvuje na izborima, ili lice koje je pravomoćnom sudskom presudom osuđeno na kaznu zatvora u trajanju od šest mjeseci ili duže.

VI

Centralna izborna komisija sačinjava listu pitanja iz četiri različite oblasti iz izbornog zakonodavstva i izbornog procesa i to: nadležnosti izbornih komisija i biračkih odbora; provedba izbora i zaštita izbornog prava; planiranje aktivnosti i budžet; Etički kodeks organa za provođenje izbora i poslovnik o radu izbornih komisija. Lista pitanja za intervju sa kandidatima bez odgovora na pitanja, bit će objavljena na internet stranici Centralne izborne komisije Bosne i Hercegovine i na taj način biti dostupna javnosti, na web stranici:

https://www.izbori.ba/Documents/2021/eticki_kodeks/et_Lista-bos.pdf,

a koja će biti predmet intervjua.

Konkursna komisija postavlja kandidatima ukupno tri pitanja iz različitih oblasti navedenih u prethodnom stavu.

Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo

tel: (387 33) 492 268, fax: (387 33) 650 397, email: vijec@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



Svaki član konkursne komisije ocjenjuje sva tri odgovora kandidata jednom zbirnom ocjenom. Zbirna ocjena iz intervjua za odgovore kandidata za sva tri odgovora kandidata može biti u rasponu od 1. do 5. (Prilog: 2 Uputstva - Tabela 1). Konačna ocjena kandidata na intervjuu predstavlja zbir ocjena koje je kandidat dobio od svakog člana konkursne komisije na intervjuu, podijeljena sa brojem članova konkursne komisije koji su provodili intervju i izvršili ocjenjivanje (srednja ocjena). (Prilog: 2 Uputstva - Tabela 2).

Po završetku intervjua vrši bodovanje kandidata prema sljedećim kriterijima:

Stručna sprema	Broj bodova
Visoka stručna sprema	5
Viša stručna sprema	3

Ukoliko su kandidati pravni stručnjaci sa iskustvom u provedbi izbora i/ili izborni stručnjaci, dodatno se boduju, kako je to propisano članom 10. stav (7) Uputstva, i to:

Dodatno bodovanje	Broj bodova
Naučno zvanje (mr/dr.) iz oblasti prava ili iz oblasti izbora	Mr - 2 Dr - 3
Nosioci pravosudnih funkcija	3
Položen pravosudni ispit	2
Prisustvo obukama u organizaciji CIK BiH – jednoj ili više obuka	1

Izborna iskustvo	Broj bodova
1. Predsjednik izborne komisije	4
2. Član izborne komisije	3
3. Sekretar izborne komisije	2
4. Zamjenski član izborne komisije	2
5. Predsjednik biračkog odbora	2
6. Član/zamjenik člana biračkog odbora	1

Da bi ostvarili pravo na dodatno bodovanje, kandidati su dužni, uz prijavni obrazac, dostaviti dokaz o naučnom zvanju, i/ili položenom pravosudnom ispitu, i/ili o nosiocu pravosudne funkcije, i/ili prisustvu obukama u organizaciji Centralne izborne komisije BiH, i/ili dokaz o poziciji u izornoj komisiji, odnosno biračkom odboru.

Konkursna komisija prilikom dodatnog bodovanja, kandidatu dodjeljuje broj bodova koji je po svojoj visini najpovoljniji za kandidata, i to po samo jednom osnovu.

VII

Prilikom prijavljivanja na Javni oglas, kandidati su dužni dostaviti sljedeću dokumentaciju:

1. prijavni obrazac sa kontakt podacima: ime, prezime, ime oca, adresa, broj telefona za kontakt, e-mail adresa, podatke o trenutnom zaposlenju (Naziv poslodavca i radno mjesto, odnosno poslovi koje kandidat trenutno obavlja), naznaka da li se radi o kandidatu muškog ili ženskog spola, listu

Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo

tel: (387 33) 492 268, fax: (387 33) 650 397, email: vijec@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



- dostavljenih dokumenata i svojeručni potpis podnosioca prijave, te dokumente koji dokazuju ispunjavanje uslova iz javnog oglasa, i to;
2. ovjerenu kopiju diplome o stečenoj stručnoj spremi kandidata, nostrifikovanu-priznatu diplomu ukoliko fakultet nije završen u Bosni i Hercegovini, uključujući i diplome stečene nakon 06.04.1992. godine, u nekoj od država nastalih raspadom SFRJ, a u skladu sa propisima nadležnog organa koji vrši nostrifikaciju-priznavanje inostranih diploma;
 3. dokaz o izbornom iskustvu kandidata, koji mora sadržavati podatke o nazivu izborne komisije i mandatnom periodu, odnosno vrsti i godini izbora i nazivu biračkog mjesta, u kojem je imenovani kandidat bio član biračkog odbora, te podatak da je imenovani kandidat bio angažovan u radu biračkog odbora i obavljao ovu dužnost - Nosioci pravosudnih funkcija izuzimaju se od obaveze dostavljanja dokaza o posjedovanju izbornog iskustva iz člana 2 stav (1) tačka c) i stava (2) Uputstva;
 4. dokaz o naučnom zvanju i/ili položenom pravosudnom ispitu i/ili o nosiocu pravosudne funkcije i/ili prisustvu obukama u organizaciji Centralne izborne komisije BiH, ukoliko kandidat ispunjava uslove da bude dodatno bodovan;
 5. obrazac PBA-3 o prebivalištu kandidata (ne stariji od tri mjeseca, od dana izdavanja od strane nadležnog organa);
 6. izjavu o nacionalnom izjašnjenju kandidata, sa posljednjeg popisa stanovništva u Bosni i Hercegovini – (Prilog 6. Uputstva – dostupan na web stranici Općine Novo Sarajevo, uz Javni oglas), svojeručno potpisanu i ovjerenu kod nadležnog organa;
 7. izjavu imenovanog kandidata da nije obuhvaćen odredbama člana 2.3 Izbornog zakona BiH, svojeručno potpisanu i ovjerenu od strane nadležnog organa - (Prilog 5. Uputstva – dostupan na web stranici Općine Novo Sarajevo, uz Javni oglas) ;
 8. izjavu kandidata da nije osoba koja se ne može kandidirati sukladno članu 1.6, 1.7 i 1.7a Izbornog zakona, svojeručno potpisanu i ovjerenu od strane nadležnog organa;
 9. izjavu kandidata da nije osoba koja obavlja izvršnu funkciju, kako je utvrđeno odredbom člana 1.8 stav (6) Izbornog zakona BiH. Pod izvršnom dužnosti, podrazumijeva se Predsjedništvo Bosne i Hercegovine, Vijeće ministara Bosne i Hercegovine, predsjednik i potpredsjednici Federacije Bosne i Hercegovine, predsjednik i potpredsjednici Republike Srpske, Vlada Federacije Bosne i Hercegovine, uključujući premijera, Vlada Republike Srpske, uključujući predsjednika Vlade, Vlada Brčko Distrikta BiH, kantonalna vlada, gradonačelnik, zamjenik gradonačelnika, gradska vlada, načelnik općine, zamjenik načelnika općine, rukovodeći službenici koje je imenovao načelnik općine, te ostale izvršne dužnosti utvrđene zakonom;
 10. izjavu kandidata da nije osoba koja je član najvišeg izvršno-političkog tijela političke stranke ili koalicije (predsjednik, potpredsjednik, generalni sekretar, sekretar ili član izvršnog odbora ili glavnog odbora), svojeručno potpisanu i ovjerenu od strane nadležnog organa;
 11. izjavu kandidata da nije osoba, koja je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Izbornog zakona BiH, svojeručno potpisanu i ovjerenu od strane nadležnog organa;
 12. izjavu kandidata da nije izborni kandidat za bilo koji nivo vlasti u Bosni i Hercegovini;
 13. izjavu kandidata da nije osoba, kojoj je u posljednje četiri godine izrečena kazna za radnju koja predstavlja težu povredu izbornog zakona ili propisa, za koji je osobno odgovorna, računajući od dana pravosnažnosti odluke, svojeručno potpisanu i ovjerenu od strane nadležnog organa;
 14. izjavu kandidata da nije zastupnik, odnosno punomoćnik političkog subjekta, koji učestvuje na izborima ili lice koje je pravomoćnom sudskom presudom osuđeno na kaznu zatvora u trajanju od šest mjeseci ili duže, svojeručno potpisanu i ovjerenu od strane nadležnog organa;
 15. izjava da nije bio kandidat za bilo koji nivo vlasti na posljednjim općim i/ili posljednjim lokalnim izborima, svojeručno potpisanu i ovjerenu od strane nadležnog organa.

VIII

Prijavni obrazac dostupan je na web stranici Općine Novo Sarajevo, uz Javni oglas.

Nepotpune i neblagovremene prijave neće biti uzete u razmatranje.

Javni oglas ostaje otvoren 8 (osam) dana od dana objavljivanja, u listu „Dnevni avaz“.

Prijave se mogu dostaviti preporučenom poštom ili lično na protokol Općine.

Prijave dostaviti u zatvorenoj koverti na adresu:

**OPĆINA NOVO SARAJEVO
OPĆINSKO VIJEĆE
KONKURSNA KOMISIJA
71000 SARAJEVO,
Zmaja od Bosne 55**

sa naznakom:

**„JAVNI OGLAS ZA IMENOVANJE JEDNOG ČLANA OPĆINSKE IZBORNE KOMISIJE
- NE OTVARAJ“**

Po zatvaranju javnog oglasa, nadležna komisija će pregledati dokumentaciju, a sa kandidatima čije su prijave blagovremene i potpune i koji ispunjavaju sve uslove Javnog oglasa, obaviti će se intervju, nakon čega će se sačiniti rang lista sa redoslijedom kandidata, prema ukupnom broju bodova za svakog kandidata (bodovanje kandidata po osnovu: stručne spreme, naučnog zvanja, izbornog iskustva i uspjeha postignutog na intervjuu) i dostaviti Općinskom vijeću na razmatranje.

Napomena:

Kandidati koji pristupe intervjuu, dužni su Komisiji dati na uvid važeći identifikacioni dokument (lična karta, vozačka dozvola, pasoš).

Javni oglas će biti objavljen i na zvaničnoj web stranici Općine.

**PREDSJEDAVALA OPĆINSKOG VIJEĆA
Danijela Šahat**